



Caribisch Nederland
Belastingdienst



Loonbelasting & premieheffing

E foyeto aki ta ofresé bo informashon tokante Loonbelasting

E lei aki parse e 'Landsverordening loonbelasting 1976', lokual bo konosé kaba. No opstante ta bon pa sa ku tin algun kambio importante.

Belastingdienst ta bai imponé i kobra e parti di e dunadó di trabou den e seguro di kuido (16,1%) i e primanan di e dunadó di trabou pa seguro médiko, seguro kontra aksidente i Sesantia (huntu 2,3%).

Den e tarifa di 30,4% ta inkorporá, aparte di e loonbelasting, tambe e prima di AOV/AWW i e prima di seguro di kuido. Kier desir ku no ta kobra separadamente mas e prima di AOV/AWW i AVBZ (ku a keda remplasá pa e prima di seguro di kuido).

E kambionan prinsipal 1 di òktober 2011 Loonbelasting

E montantenan ku ta poné den belastingwet BES pa e suma general liber di impuesto ('algemene belastingvrije som'), suma liber di impuesto pa mucha ('kindertoeslag') i suma liber di impuesto



pa grandinan ('ouderentoeslag') ta:

- keda adaptá na inflashon (subida di 5,9%)
- subi adishonalmente (subida di 5%)

Aki ta sigui un aklarashon.

Suma liber di impuesto:

E suma general liber di impuesto ta subi entrante 1 di òktober 2011 di USD 9.750 pa USD 10.183 riba un base anual.

Suma liber di impuesto pa mucha:

E suma liber di impuesto pa 1 mucha ta subi entrante 1 di òktober 2011 di USD 1.250 pa USD 1.386 riba un base anual. E suma liber di impuesto pa 2 mucha ta subi entrante 1 di òktober 2011 di USD 2.500 pa USD 2.772 riba un base anual. For di e di tres yu no ta konta suma liber di impuesto pa mucha mas.

Suma liber di impuesto pa grandinan:

E suma liber di impuesto pa grandinan ta subi entrante 1 di òktober 2011 di USD 200 pa USD 1.222 riba un base anual.

Redukshon suèldo usual ('gebruikelijk loon') na USD 14.000

E adaptashon ta prinsipalmente aplikabel pa e direktor/akshonista mayó. E asina yamá suèldo usual pa 2011 tabata originalmente USD 20.000. Esaki lo keda redusí na USD 14.000. Un suèldo mas haltu òf mas abou pa kual ta obligá paga belasting ta keda posibel, dependiente di e sirkumstansia individual di e direktor/akshonista mayó.

Suèldo usual ta konta pa e empleado ku ta traha pa un entidat, den kua e tin un interes supstansial. E suèldo usual ta en prinsipio USD 14.000. Si un empleado komparabel ku no tin un interes supstansial, ta gana sea mas o ménos ku USD 14.000, esaki por kondusí na adaptashon

di e suèldo usual. Esaki ta konta en todo kaso pa empresarionan ku nèt a start un negoshi i ku tin un ganashi komersial di ménos ku USD 14.000.

Tep pa e dunadó di trabou

4x pa aña: E deklarashon ('aangifte') ta pa kada kuartal. Palabrá ku bo mes un dia fiho pa entregá e deklarashon, promé ku dia 15 despues di final di e kuartal. Bo ta skapa tempu si bo bin paga mas promé.

Paga pa luna: Bo por paga pa luna (pero esaki no ta nesesario). Paga tinu ora di paga pa bo usa e number di crib korekto. Mensioná semper e periodo di tempu i e sorto di belasting (LB òf ABB).

Paga via di banko: No paga e LB i e ABB komo un solo montante, paga nan separadamente. Esaki ta evitá eror. Tene kuenta si ku e tempu ku ta tuma bo, si bo paga via di banko. Dia 15 di luna ta e último dia ku e sèn mester ta serka Belastingdienst.

Paga montante completo: Yena solamente montante completo: USD 499.99 ta bira USD 499. Semper bo ta permití di hasi e sumanan montante será, na bo benefisio. Perkurá pa e montante total di e deklarashon ta igual na e montante di e pago.

E formulario di deklarashon: Yena e deklarashon kada kuartal completo i firma esaki. Yena riba e formulario di deklarashon pa e ABB tantu e benta komo e montante di ABB. Paga tinu: Den kaso ku bo a risibí un formulario di deklarashon, bo mester entregá esaki semper na tempu, asta den kaso ku bo no tin ku paga impuesto.

Negoshinan propio: Serka negoshi propio e number di crib ta igual na e number di persona. No ta permití pa usa e number di crib bieu.

Tin mas informashon disponibel tokante e tópiko aki.

Konsultá nos wèpsait www.belastingdienst-cn.nl òf bishitá un di nos ofisinnan.

Pasa serka nos!

Pa tur bo pagonan bo por pasa na e ofisinanan di belasting riba e islanan.

Aki bou tin tur direkshon i orario:

Bonaire

Kralendijk

Kaya L.D. Gerharts 12

Tel: +599 715 8585

Orario:

Djaluna te ku djaweps: 8.00 – 16.00 or'

Djabièrnè: 8.00 – 15.30 or'

Rincon

Kaya Rincon

Tel: +599 717 6333

Orario:

Djaluna te ku djaweps: 8.00 – 16.00 or'

Djabièrnè: 8.00 – 15.30 or'

Saba

The Bottom

Cap. Matthew Levenstone Street

Tel: +599 416 3941

Orario: 8.00 – 12.00 or' / 13.00 – 17.00 or'

Sint Eustatius

Oranjestad

H.M. Queen Beatrixstreet

Tel: +599 318 3325

Orario: 8.00 – 12.00 or' / 13.00 – 17.00 or'